

白鹿書院志

白鹿書院志卷之十五

星子縣知縣毛德琦原訂
署南康府事周兆蘭重修

藝文

送劉李二生還鹿洞序

陳憲章

匡廬白鹿之故址自宋考亭朱晦翁一嘗作新之後
遂無聞焉我朝文教誕敷鄉先輩翟公守南康日始
圖創復舊觀潮陽李先生繼之白鹿書院之名復聞
於天下成化十七年江西按察使耻庵陳先生乃謀
於提督學校憲副鍾公僉事冷庵陳公大叅祁公觀

然以作新斯文爲已任謂余於考亭之學亦私淑諸人者宜領教事乃具書幣造於巡鎮遣二生李士達劉希孟如白沙以請同時司藩臬諸賢咸與聞之外則東白張先生廣東大方彭公按察使閔公吉水袁德純各以書遺予雲輝自映交送衡宇二生以諸公之命命予予覽幣而趨書而走且告曰二生莫誤諸公欲興白鹿之教復考亭之業必求能爲考亭之學者大然後可以稱諸公之任使乃下謀於予是何異借聽於聾求視於盲也予聞之君子之使人也由

其誠不強其所不能諸公卽居於廬山予所能也居廬山以奉諸公之教非予所能也二生其審諸於是邑中聞有諸侯之使自邕令佐以下至士庶耆老源源而來靡不觀感李生半姿秀發言論是非不苟雷同劉生貌恭而言慎確有據守俱稱爲東白門人也予甚愛之留且彌月矣二生以諸公之命久不復辭去予旣返諸公幣復爲詩別之所以致區區於二生而申景仰於廬山也是日憲副陶公過白沙邑長丁侯鄉諸士友各賦詩以贈帙成俾予序之

白鹿文茸序

李應昇

予於此道宿有苦心嘗味方旨遭遇知己草草棄去
意每念之津津於舌也星潛斗大郡湖山滔莽魚鳥
簡書吏得以其暇餐宿香爐五老之間衙齋清嘯山
雲飛席湖風入衣厨不供鮮濃門不窺臭腐手眼心
肺宛然如昨蓋十年來文味道味吏味積此矣廣陵
袁公心期素合文鑒淵深造士熱腸謬推予主鹿洞
大巫拱手小巫登壇遠近諸弟子英英斐斐如白鹿
之在郡予乃食以芹藟不使舌腥時其呦呦不使驚

吼夫鹿人知其野也長林豐草彼適其適而以人而
機心駭之詎知鹿不謂人野乎諸子之文近於鹿
入焉不驚至於今其清可愛其韻可歌其采可擷
公曰有是哉李子之範乎嘻其肖予謝唯唯否否
心名遇士所自有予何足肖向固與諸士約各以
心聽水觀山毋以穢腸竊羨拾唾此亦學道之根
立名之坻也公曰善遂取其文燒燭剔剔取裁於
得百餘篇公題曰文茸以行

新闢石洞告后土文

王濂

乾坤萃秀兮山水鍾靈厥有匡廬兮爭高嵩衡大
練紆兮彭蠡帶橫勝跡擅於九土兮福地控乎八
白鹿開先而爲號兮紫陽相後以道鳴遂有聞於
下兮曠百世而馳聲歲月推移兮世變山傾問舊
而不知其處兮慨名存而未稱厥情余虛薄以三
兮得采澗藻而歌野苹修予祀事兮仲月次丁假
齋宮兮夢出棚兮寤驚若有人兮跡前跡之可
乃十日而筆修兮開雲根而做其故扃仰賴神功
願默默以相成竊聞之師曰大道以合一爲宗兮

在並進乎知行聖賢貴全其體用兮其要在兼得乎
明誠謂德業舉業不可支離兮在立我以合併世幾
紛爲朱陸之辨兮啓多岐而惑羣生吾徒當以孔
爲期兮由正途以崇六經神之聽之兮介福於斯
之宗盟千秋萬歲兮護此嘉名

祀白鹿先生辭三章

李夢陽

吹玉簫兮眺岷浦橫蔽江兮美無軒轅躑躅兮旋望
宛窈窕兮山之左陟山左兮降右忽而來兮倏而去
跨白鹿兮導兩騶色會矢兮心莫知旣登兮山椒須

南陟兮石瀨日冥冥兮影暮風飄飄兮吹蕙帶

右迎神

綠蘿兮紫茱桂生兮羅戶風颭颭兮若有望神驅
兮泉浪浪蹠我堦兮坐我几以彭郎兮挾匡父蘭兮
兮椒醕日中兮萬舞美孰怒兮颺忽逝雲離離兮
予

右降神

迹不借兮心相疑權雖借兮愁易離君荷衣兮蕙帶
逍遙山中兮桂爲蓋天門兮既闢騰而上兮雲之際

石有潤兮山有峯
心相慕兮交不逢
稅吾車兮繫馬
願褰裳兮從予

右送神

辭聘復江西藩臬書

陳憲章

七月二十四日僕方困暑閉齋獨臥而李劉二生適
至書幣交陳輝映茅宇僕再拜讀書識其所以來之
意不敢當不敢當匡廬五老名山也白鹿名書院也
諸公皆世偉人也修名山復名書院之舊希世偉事
也僕生於海濱今五十有四年矣未始聞天下有如

是之事悠然得趣於山水之中超然用意於簿書之外旁求儒師俾式多士將以培植化原輔相皇極以無負於斯世斯民也於乎盛哉昔朱文公之留意於斯一賦一詩足以見之其與諸公之心蓋異世而同符也諸公讀文公之書慕文公之道亦罔不惟文公是師也自文公歿至今垂四百載仕於江右者多矣其間有能一動其心於白鹿之興廢者誰歟修而復之既去復顧如吾輩公李公者誰歟文公固有待於諸公也諸公誠念之不宜謀及鄙人鄙人非不欲

斯道之明也學焉而不得其術其識昏以謬其志弱
以小其氣乏餒其行息肆其文落莫而不章歲月侵
尋老將至矣其於聖賢之道非直不能至而已其所
求於其心措於其躬者亦若存而若亡雖欲自信自
止而不可得况以燻人哉百鈞之任以與烏獲而不
與童子慮弗稱乎力也故夫天下之事慮而作者患
恒少不慮而作者患恒多千里之足不蹶於遠途萬
斛之舟不虞於大水其才足以勝之非不慮而作者
也使之不以其誠任之而過其分與自欺而誤人者

其失鈞耳諸公獨不慮至此乎天下有任大責重而
祿位不與者苟能勝之則至大至通無方無體故能
爲天地立心爲生民立極爲在聖繼絕學爲萬世開
太平所謂建諸天地而不悖質諸鬼神而無疑百世
以俟聖人而不惑其分內也宇宙無窮誰當負荷伏
惟諸公念之慮之勿遷惑於衆口期匹休於先賢收
回東帛更聘真儒俾諸士子有所效法以無負於今
日之意也幸甚幸甚

寄丘時雍書

胡居仁

饒城晤會之後 又蒙教翰見喻又以詩贈從遊之士
感荷不勝蓋君子修己誨人出於中心之誠故如此
也又蒙示以君子有教無類不可有所擇此君子之
盛心居仁所當佩服然其以慕道之心而來者固當
嚮然樂得其人豈論其類哉若其心本非慕道只因
見上司作興爲利祿而來者教之以善則不聽懲之
以德則不從成羣作隊習爲怠惰放肆之行見利則
爭聞義不服壞文公之教反玷上司作興之盛意若
此者尊兄將何以處之乎外人聞此必將蘊起謗議

又將何以自解乎是以居仁益憂益懼恐教無所施也尚賴尊兄與廷祥張兄力贊其事上司諸公亦有尚德之心故某暫可歸洞以俟賢才之集夫謹其始尚恐不能保其終况不謹其始能保其終乎居仁益欲不爲拙工改廢繩墨開聖賢門庭以來豪傑之士若汨於舉業但招得一等凡才不會做舉業之人尚不屑至英邁超卓之人尚肯至乎如此則文章尚不能得其上者况道德乎其必自壞其德業况能成就人之德業乎若崇道德舉英才振士氣則四方

必將漸至遲以數年將見人才輩出又何患洞之
興乎興洞之法無出於此者欲望時雍條具此議
達於諸公扶持名教高明之本心故以爲請

奉祈叅政鍾副使莊僉事書

胡居仁

居仁在洞夙夜兢慄教養無效有負賢君子
盛意然理義者人心之同然以古道倡之誰不爲
但士習頹靡已久人心沉溺難回必得第一守
相與倡率庶使中人之才皆可漸磨激勵而
之效不難矣若泛取凡庸之才非惟不能卒教必

怠惰於肆反道敗德有玷於文公名教必矣今其
洞務使道明於當時流光於後世方不枉費一
與若成就人才既多將來必爲世用其選豈有空
何薦舒剛不知曾去講否伏望命下本縣遣使
入洞訓迪後進幸甚昔有問於朱子曰何以能得
下之賢朱子曰權力所及則察之舉之邊際所及則
親之厚之皆不及則稱之譽之又不及則伺之慕之
况今明執事以有爲之才若可致之位皆能及此
何難哉伏惟以此好賢之心推而行之則天下之

皆將歸心於賢執事况此邦之賢乎好善優於天下
况與洞乎若好賢之心不篤尊賢之禮不至抱道之
士固將卻步而不敢進鄙陋之士必將趨利慕勢而
來矣居仁謹錄詩文數篇以獻併求教正重與洞記
不知尊意屬筆於誰海內之士若陳公甫文雖高然
過於高大多是禪學文章張廷梓文精深丘祭酒文
典實惟在大人所擇

又奉祁叅政鍾副使莊僉事書
胡居仁

伏承聘命令主白鹿洞事謹於正月二十六日起行

二月初三日入洞竊思廬山白鹿洞名冠古今居仁
自弱冠之時因讀前史知其爲第一書院也及考輿
經學規記賦又知文公先生昔在其間闡明聖學非
若他書院姑寄前賢之跡爲辭章記誦之場也及觀
文公全集又知文公奏賜勅額始終眷意欲其久而
不廢也在元不續及我朝太守翟公始創殿堂齋舍
然未有儒師表率英才習學故鬱而不彰至潮陽李
先生更加完葺延請名士誦讀其間而風教始著居
仁之愚亦玷禮聘不幸居仁遭母喪而去李公亦繼

以亡矣而書院之廢亦宜也今明執事慨然興復仍命居仁入主洞事居仁學隘才疎何足以副委任之重是以入洞之後不勝恐懼齋沐裁書令門生胡覺高榜申致稟覆夫天下之事得人則興不得人則廢必然之理也今欲興復文公數百年之絕學以倡明於當時非得四方英明豪傑之士相與講論切磋於其間曷足以及此伏望廣行推訪有才氣英明志向高遠及純篤溫厚者訪得其人命有司以禮敦送入洞則士氣必振海內風動豪傑英偉之才必不遠千

里而至作興之道無過於此者若夫凡下之才汲汲於奔競者不必招至也况江右素號文盛之地學校科舉足以供主司之選豈待興洞以教之哉其間有意氣不羣敦厚好學舉業已通欲復求進乎聖賢之域以盡修己治人之道者苟非興洞何以聚而教之哉執事之意必在於此居仁亦以此望於執事也謹薦所知數人伏望禮請到洞幸甚洞中全無書籍更望求入洞以賜肄業

與陳大中書

胡居仁

如大中者實與吾黨增氣但工夫要體認得真做得
密若仁雖似體認上不差只是做得不密恐學終不
能底於成也

與蘓伯誠書

楊 康

執事爲白鹿書院起廢俾士子講明朱學甚善比到
洞中見傑棟一新青衿大集甚慰甚慰更聞向日周
朱二先生之祠以雜陶李諸公執事分兩祠以祀之
尤是但今兩祠共峙一門共入殊無差別而於尊奉
二先生之意似猶欠專今不若改門正對二先生之

祠其陶李之祠從旁而入爲當又三先生祠宜以黃
幹李燔張洽黃灝陳宓等配食諸人皆晦翁高弟嘗
講學其處乃不得分一席而坐而陶元亮之隱節李
太白之文章獨得俎豆其間不亦輕重之失倫哉宋
史列傳陳宓字師復丞相俊卿之子少登朱熹之門
長從黃幹遊執事更考而并祀之庶無遺恨不具

又與邵國賢書

楊 廉

宗儒祠記豈寡陋可當第以嚴命不可虛辱勉成之
專望改教朱子嘗稱東萊作白鹿書院記記成後欲

更定數處今其書可考也某雖無似亦欲庶幾以見
古道耳况一統志與洞志載所祀諸人者各有不同
此間無郡志參考未免缺詞補叙舊開陶劉之外更
有李白二志俱不見若此之類俱望卽爲改定再免
往復如其無取則勿用可也

與李長春書

蔡士英

白鹿爲海內書院之望考亭爲古今理學之宗不佞
下車卽首諮構造欲得一主盟以光是典詞輿採望
惟熊約老冠冕江州先達名儒多士所共尊敬奉牛

耳以從不佞雖不獲式廬問道然先之以臺下又申之以星子令咸云有可無否卽不佞去冬過海昏時得邀周旋又業以面訂之邇者致幣復卻在知希之貴不求聞達然七聘三徵前賢亦所不拒不佞因冗羈簿書爲克瘡劑擁簪臺下志存古道政治章蠹特以此典相煩務致不佞愧慙之意具帖將幣復往敦請約老縱卑鄙一切必不忍棄捐斯道令絕響於來茲也豈敢曰好爵相廩抑自矢秉懿云爾統惟臺下委曲達之真獲允卽行南康守令肅備安輪布席以

換不既

與熊維典書

蔡士英

曩者得炙紫芝看字遠心曠度若披雲霧汪汪千頃
猶未喻其涯涘故不揣陳情得邀有道之一啜捧之
不啻黃鍾大呂喜爲山靈再開生面而多士大荷主
持矣忽承手示似有遐遺以不佞黥淺豈敢希延道
履但天下之重望在白鹿百世之道貌在紫陽不佞
忝茲名區爲天下言世而屈老先生卽不爲一人
時計寧不爲天下百世俯從耶不腆粗幣惟大君子

鑒此未嘗之枕嗣我好音無食季喆謹命地方有司躬迓德與曷勝頤企

與熊維典書

李長春

執掌塵勞不獲以尺一問訊崢嶸者久矣片捐空懸而德輝千仞樞衣末由徒深弱水蓬萊之憾耳兩孝廉至備詢起居多福足慰遐思而清風穆如則又從寸瓊尺璧中如對押塵元言霏霏玉屑之盈握矣白鹿片席固宇內之斗山而亦貴鄉之杏壇洙泗也庶臺雅意興復以此蒞昧之夫暫遊其地不勝下詢芻

堯之想思 意則不惟其地惟其人彼尼山片石河汾
勺水直與 泰岱爭雄溟渤比浚豈必以其地哉人傑
則地靈耳 老先生金口木舌蚤已著聞巖壑夔龍於
今獨盛隱 居求志行義達道固未有殊觀也方將搆
拭絳幃掃 除函丈元纁束帛以趨承下風願無遐

又與熊維典書

李長春

先生以先 知先覺之儔肩繼往開來之任古人
伊呂以經 濟生黼黻之光處則孔顏以詩書增
之色未嘗 分爲兩截亦並無有二途如其獨濟

人言曰元
卷之二

置羣蒙於不關深恐斯道斯民且淪胥以及溺焉論
非上天所以昇託之意亦雅非名賢所以自待之心
撫軍公翹仰山斗式靈韜鐸不徒爲章絳推領社稷
將於鄉國樹楷模淑世範俗之思至懇切矣先生
謙過甚執守過嚴名勝無以主持士林失所依倚
一二興復之同事亦且徙倚徘徊無以仰副盛舉緣
此齋沐浴誠特中前請伏乞俯鑒葵忱萬無復加
邠至若清風峻節萬仞千尋春旣明愛有年豈其
不仰體顧不以圭組累鳳輝之翱翔而第以絃歌仰

龍門之登陟其於出處進退之衡未少有違拂也

復李長春書

蔡士英

接翰教知熊約老慨然出任此名山之幸多士之光
不佞暨臺下亦不虛此經畫矣不佞以巡歷之役方
事馬蹄間所宜十日肅迎及洞中儀設臺下速行南
康館縣詳酌毋靡毋陋揆之於彬彬可耳至約老所
云願得一副此蓋應對接洽四方之士亦甚難乎其
才者惟約老自擇而舉之他舉恐未能合志同方也
若書院中蓋一規條亦惟主洞者自有成約臺下詢

以相問何如望之

又與熊維典書

李長春

老先生嘯傲東山酒雲席月樂有餘閒何當屢以不
情仰涸台聽願以古道原隰土習波沅非得天下第
一等人疇足與任天下第一等事以故不揣冒昧三
泚三薰荷蒙不棄芻蕘憮然命駕斗奎別墅禮樂皆
束第爲二三章終舉手加額矣復蒙臺諭簡甚副此
者泚泗方隘而西河蚤已振鐸古人有行之矣向來
久有此意而亦殊難其人芝蘭氣味以類相從所謂

求士於髡若祀水於河而取火於燧也況先生隱居
求志業已有年此中之夾袋藥籠亦必有其夙貯但
祈臺命所示界帛彘彘又將繼先生而後起矣不勝
東人之義亦且馳驅赴彼躬親洒掃以俟臺臨面教
在郎不盡觀縷

又復李長春書

蔡士英

共事誼深但聞判袂風雲黯然臺下暫輟王程拮据
諸案雖以任內事不欲留後人補苴應亦念不佞同
舟焦苦故不憚瘁勞以期共濟惟有心勤其間尚有

一二要件歷年既久人所長決者非臺下剝割之才
犀利之筆不能解糾釋紛更祈士元斤暑丁之鹿洞
至若既登皋比千秋壇坫得此增光至於較文課藝
譽髦多士當與考道論德並行鞋後約老既有所學
必爲南州冠冕臺下以禮羅而致之庶後美無不備
不佞雖在車轍馬跡烈日塵沙中得接來翰凡意中
所欲行老業已畢矣恍如清露之濯煩襟也欣復不
既

請瑞昌明經何孝先副講書

自學道之化弗彰以故吏治遑遑不能近古

嘗今雅意絃歌昌明正教有識之士駢首向風而况抱
懿珪璋蘊義古昔承先聖之道以覺後起之人豈貴
森在戶之松蘿而忘及人之膏澤乎門下夙負名譽
言牙在人耳目間久矣願借絳帳已荷一諾頃到白
鹿書院而文旌猶未光賁景行饑渴夢寐爲勞特肅
楮言中佈區區統祈速駕臨洞與與熊約老先生光
復濂洛關雘之化庶幾正學可興人材蔚起大同之
風尚可見諸今日何但小康已也依依神馳翹企之

至

淮上與司理范初言洞事書

蔡士英

門下種德降祉宏道垂風明刑弼教於青山綠水中
作川嶽主人大蘓不得專美於前矣白鹿在望此不
佞三載來百計經營崩榛斷壁之中脩締而後有此
自移淮海鞭長莫及然每飯不忘此地也龔軍廳至
云門下貌意斯道鳩工 文殿崇獎師儒不佞獲同
心之助喜極莫可言狀小兒家報中屢道門下雄節
邁倫高氣蓋世不佞心儀已久茲復任道如此其篤

自當於古大賢中求之，不惟僅文章經濟之士而已。健羨健羨，接教并志，存注之雅聞。星子令亦屬同心，惟門下致不佞，倦倦外儒官，求保定勤恪可嘉，故給以花幣，當用鼓吹，致之以欣其任事之志，不宣。

再與范初書

蔡士英

星渚新政，美譽沅聞。一水盈盈，蚤已洋溢於江淮。河漢矣，白鹿勝地理學名區，思欲表章前賢，興起後學，而匆匆脂轄，未能適觀。厥成幸藉同心，芝蘭道合，昔賢有言，斯文未墜，必有英傑領袖之者，則門下真其

人矣熊老先生士林山斗不佞三薰三沐而後得微
呈盟者也魁杓在前舍此安適尚欲之燕而南其轍
之郢而北其轍乎啓迷醒臆知所向方此更賢地主
之任也至欲援儒入墨此爲何意大駭聽聞誰爲此
說亟宜遠擯門牆無溷我名教也不一

三與范初書

蔡士英

門下吏治文章咸標優異客秋披來翰加意鹿洞故
知非常輩所能幾健羨健羨鹿洞重典不佞歷年經
營精力實注於此近聞 聖殿修理未竟廡舍仍舊

頃頃臨終一從無所錄爲狀然
時所及諸事皆入心耳目最近清該宜勤其典
清亦因主事而進面詢督洞官余保允程其及時
副王親宰爲生月有程月有誅先不可廢弛如作
報不常生父參落是使不佞年來苦心終付之逝水
矣門下作人爲於道自任專師崇儒抑學自百我
起作者言之其臣除青雲於子而於時此子也
劫與是子令其及少而同心其運新守薛君象也

謀不依已而爲而求其爲事不能振興諒不新其
也而中之狀一合之修德之世之世之生德之
遂身節藝之術情不亦亦時許情然尤望門下詳

青洲

蔡七英

月清風... 長... 自應立起維新他
不以悉所... 院爲先賢講道之區歷
代作人... 今攸撫江三載首爲經
紀修... 澳... 出聘...

集四方生儒課文會業一時彬彬庶幾復見古人盛
事近聞有無賴生員視歲租爲奇貨攘臂搆訟侵肥
瓜分致使養士之公粒竟克蠶衿之私囊坐令俎豆
無光名區蕪穢此實官地方者之責也門下志存遠
大官以此事自任力清逋租驅逐匪類斯爲急著不
似向年所委耆民余保定因公舉能堪故令料理洞
租近知亦爲諸生所逐門下幸亦察之果其不能任
事則另擇有品行之人督理洞事如其可任仍令董
之然惟視才品可堪者方委亦不必拘拘新舊也總

剝門下力任主持勿令不佞經營之苦心徒付逝波
郎此銘心不朽何煩書幣達將耶附璧不宣

請熊維典書

楊兆魯

伏惟爲道自重爲時自重替稔聞鹿洞一講席稱最
四方老先生秉鐸於斯馳聲遠矣往竊不勝遙慕謂
得一日從長者後追隨於名山大澤之間聞所未聞
當是生平一快乃自忝竊以來鹿鹿奔走勉赴程期
未有暇晷得沃訓私之千一天下固有願相副而適
相左者殆曾今日之謂乎旣而思之古清風近在講

院鄉大夫之賢者近在里門事在舉行今猶未晚願
老先生一起而教誨之裨多士相與有成而魯畢役
還鄉過經函丈將見時雨春風併不遺海陬之樗櫟
誠吾黨之幸吾道之光也或者疑制科理學判若兩
塗立雪無人卽皋比且爲虛建則又有大不然者昔
張文潛誨人作文以理爲主謂六經以下至於諸子
百氏騷人辨士所論述大抵皆寓理之具也今魯久
與諸生開喻帖括利鈍之一關見理之明昧次係學
古之深淺茲令就質大雅苟一解讀書之味會有衰

食流連不謝去者抑或又有疑焉許白雲先生不教
人以科舉之文以此爲義利關愚竊以爲過矣今士
所以粗知義理則制藝爲之階爾天下咸捐捐然心
競於功名之門而已黜引而歸諸道德在達人君子
諒不鄙夷而終棄之也且 新政右文時可以表章
正學而子弟受業於鄉塾絕非有執贄上交朋黨聲
氣之嫌今會城澹臺祠已荷撫軍大人諄命禮致黎
陸二公倡道南川老先生方以天下爲己任忽聽桑
梓之地考亭教澤之就溼乎必不然矣所不及摠衣

堦下者應擾與居併爲試事所羈弗獲如願而囑范
司李代爲煇佈丹誠久結不覺辭繁遙跂俯俞可勝
激切

請熊維典主洞啓

蔡士英

伏以河圖括地看到匡廬始是山靈匱披書不宗曲
阜原非學天下第一等事實不可讓之他人古來不
二心傳又急須衍於今日對茲仙洞景彼名儒恭惟
老先生台臺萬頃澄波千尋從幹擅雲間之譽清論
不數禪河馳日下之聲高辯寧誇秋水猶記塵遊上

國輟思鳳翥高岡丹青廊廟既以騰輝鐘鼓儒林可
令絕響蓋紫陽書院郎白鹿仙踪斲祥而構講堂選
石以布經席巖巖削立儼然泰山浩浩朝宗恍十泗
水或振衣而俯眺有貫日孕月之奇觀或施帳而下
帷正考道問業之勝地落霞孤鶩相延彭蠡之瀆叢
菊長楊堪咏洎潛之里龍門自峻諒不迫於雲封鵬
徒雖遙應亦喜乎風積並秀松筠之色盆呈永鏡之
光庶乎孔孟雖窮亨途自在而程張不墜終古如新
者也生等志切坐風情擬立雪掃泉亭之落葉肅汪

高軒遠書舍之燹煙敬延丕誨方約五老以俟不當
因主人之陋而並陋山堂且開六合而瞻或可緣名
勝之高而亦高我輩生等臨啓可勝踴躍瞻企之至
謹啓

徵刻西江淳意啓

范 初

蓋聞巖風動日夙推豫章之材捲雨飛雲豈獨前賢
之句忻逢開泰之運聿觀化成之徵原夫白鹿洞者
初自貞元盛於南宋四山回合啣花之獸疑仙列澗
琤琮掛壁之猿蒼響名並嶽麓睢陽而稱勝跡因晦

翁子靜以增奇李萬卷遺構宛然相業寧無似續唐
伍喬芳規具在巍科竝看聯翩茲者幸逢總漕部院
佐壽考以作人撫守按巡學臺弘薪樵而助化一時
在位率多燕國文章慶此譽壘又際淳熙盛事芙蓉
九疊匡嶽之鍾靈何窮珂雪千層蠶水之壯觀如昔
遠繼廬陵南豐之著作標赤幟於辭壇近紹文滌若
士之宗風畫聲譽於溥海儻辱頽鑿餒渴庶其不我
鄙夷各檢鴻篇相逢遙寄珠璣滿把薰玉麈以恭迎
梨棗盈前望青錢而入選聊抒蕪語代簡同人謹啓

白鹿書院志卷之十六

星子縣知縣毛德
署南康府事周兆

藝文

五言古詩

白鹿洞故址愛其幽邃議復興感歎有作

朱子

清冷寒澗水，竊窺青山阿。昔賢有幽尚，眷言此婆娑。
事往今幾時，高賢絕來過。學館餘廢址，鳴琴息遺歌。
我來勸相餘，杖策舉綠蘿。謀野欣有獲，披圖知匪訛。

永懷當年盛莘莘矜佩多博約感明恩涵濡熙泰和
妻涼忽荒榛俯仰驚頽波發教見綱紀喟然心靡他
伐木循陰岡結屋依陽坂一朝謝塵鞅歸哉碩人邁
遊白鹿洞得謝字賦呈元範伯起之才三兄并示

諸同遊者

朱子

歲月有環周窮臘忽受謝眷眷山水心幸此朱墨暇
招呼得良友邂逅成夙駕深尋故轍跡喜見新結架
永懷拾遺公藏器此待價橫流詩書澤下及楊李羅
炎神喜興運制作流大化石室萬卷藏論言九天下

規模未云遠荒茆良可詫自非賢色宰誰復此精舍
會當求勅賜畢願老耕稼更與盡心期臨流抗風檝
白鹿洞書院同尤延之提舉雜詠 朱子

昔人讀書處町疇白鹿場世道有升降茲焉更表章
矧今中興年治具一以張絃歌獨不嗣山水無輝光
荒榛適剪除聖謨已汪洋亦有皇華使肯來登此堂
問俗良慳榭榱賢增慨慷雅歌有餘韻絕學何能忘
題白鹿洞 方岳

茲山信雄深鐘梵上雲雨微吾紫陽翁幾何不豪取

有來青牛車可作白鹿主詩書夜被之二變至鄒魯
唐虞際淳熙此道日方午澗聲撼皇墳山翠濕章甫
紛其四方人會此共談麇岳也互鄉童履二不及戶
邛後七十年空堂稟遺矩四書在乾坤六老自今古
昭回雲漢光不隲天尺五厥惟貂續難謹勿小吾土

遊白鹿洞

張鐵峯

二李不可作叮嚀深雲局雙澗漚清白五老存典刑
煌煌太平中賜書來天庭逮我紫陽翁實學益開明
斯文厄劫火誰復主齊盟吾道如日月天運當再盈

心一樞紐幹旋
利常經寒谷回陽律
矜佩還青青

拜文公像

夏寅

山人養白鹿鹿苑山人傾
偶逢紫陽翁再起書院名
車停搆一字雲流走羣英
枕石石不頽漱泉泉則靈
彭蠡萬頃波流作泗水聲
匡廬九疊峯峙爲泰山形
白鹿比蒼麟因之了諸經
我來訪書院僻近南康城
遺像在古祠鐘鼓置兩楹
拜瞻不能去豈爲山水行

贈友憶白鹿洞

丘濬

匡廬古名邦山水多幽勝
香爐生紫煙彭蠡涵明鏡

民淳風俗古地僻翳塵靜昔賢過化處草木皆可敬
橫經講道餘無事一遊詠遊詠何所適白鹿有遺基
近聞鄉先達起廢重構之突兀有新宇剝落多古碑
千載紫陽翁垂訓留明規古稱教學半曰此以爲師
場哉毋自畫聖賢皆人爲

希賢吟

胡居仁

顏淵剛且明已私方可克曾氏極弘毅戰兢終易箴
中庸首謹獨屋漏無媿慝集義孟氏賢浩然氣充塞
降自唐漢下誰能踐斯域河洛程氏興煥開千載惑

大哉敬義功外方并內直致知務窮理爲我開闔闕
踐履極其純昭然萬世則晦菴集其全精微盡剖析
窮理務反躬萬世立人極我生今何遲人亾世已隔
因言求其心撫卷倍驚惕道無古今殊今人何自畫
奮此希賢心勇猛日不息逸駕雖難扳驅馳紫鞭策
鸚鵡不易並數飛無停翼敬義兩夾持知行互相益
擴此天理公去彼人欲賊彼我皆丈夫到頭奚可擇

題敬石

邵寶

山骨本至真寒泉更磨琢暮暮復朝朝肯許分毫濁

物理固相資所患輟勝作對此感鑑銘請向溪邊濯

釣臺

邵寶

一線漾春水坐我石如臺觀魚見天機安用設餌哉
直釣占意存魚我無嫌猜持此以游息且暮歸去來

獨對亭望五老

王守仁

五老隔青冥尋常不易見我來騎白鹿凌虛陟飛巖
長風捲浮雲舉帷始窺面一笑仍舊顏媿我鬢先變
我來爾爲主乾坤真過傳海燈照孤月靜對有餘眷
彭蠡浮一杯賓主耶酬勸悠然萬占心默契可無辨

次陽明韻

唐龍

昔人飼白鹿形幻忽不見五老故蒼蒼青冥拔飛爨
彭蠡流其下諸峯羅四面翕闔出雲雨朝暮陰晴變
杖履偶乘暇僅如經旅傳雲壑繫遐思石泉動清眷
墜緒尚可尋流風尤足勸何如隱峯前圖書肆討辯

又次韻

五老隱雲間經年再相見乘月屬清溪攀蘿度岑巘
頤諧丘壑心淨洗風塵面山神靈不死物理溢中變
風雨剝搏爨鳥鼠逸經傳駐跡望冥冥永懷巾卷眷

鹿去主不歸酒熱客自勸焉得抱麈遊居吁息安辯
過白鹿洞次韻

舒芬

孤蓬出吳城五老彷彿見兜輿上南康乃獲陟青嶽
有開云古初今始識顏面屹然東南鎮不逐滄桑變
匡生竟何在白鹿却留傳藏修便巨儒煙霞入情眷
黌宇旣振作誨言重箴勸咫尺濂溪水源流許誰辯

次陽明韻

鄒守益

名山屐屨躡匡廬久未見褰衣泛屑湖振策凌絕巘
一笑六合亭始識五老面煙雲異晨昏仙標儼不變

顧憐塵寰巾白駒走郵傳叩首無極翁絕學天所券
皇皇白鹿規逸駕競相勸矢言二三子無負義利辯

次陽明韻

劉克莊

自我別鴻臚萬古不再見茲來五老前彷彿對顏面
灑氣成江流真宅化峯巘閱世悲太迅歸人若乘傳
白鹿不可招仰瞻情彌眷結茹永作隣服食形不變
至寶諒在茲愚者胡不勸滔滔從俗中是非奚所辯
再至白鹿洞

王汝賓

一盤澗度危嶺循岡歷崇錯曲尋緣峽溪悠然見雲壑

四塞障崔嵬五老獨寒削燈亭坐對之蒼翠如可掠
飛雲遊洞門白晝隱冥冥長風落松林清籟動虛窟
憶昔李山人尋幽創書閣白鹿時相隨嘉名自茲托
觀泉沂孔源飲水飯顏樂伯仲金玉心終焉此寬碩
天將與斯文濂溪紫陽作相繼修其廬賢闢開鎖鑰
招搖來象山高堂振木鐸聲教聞四方燈火滿林薄
道德重如山宮牆頌非昨遺跡世所珍衣冠自聯絡
我亦希賢徒重來意如躍瞻拜惕若思踐履殊可作
突坐媿前修有酒不能酌

至白鹿洞

李夢陽

曠哉超世志，緬邈平生思。鬱鬱眷名跡，久注匡山隅。
南涉枉嘉命，果諧夙所期。仲秋巖壑清，官館復在茲。
白石激寒澗，叢蘿裊空基。黯傷逝者往，密慚來者追。
性同道豈隔途，異理空悲興。言懷昔榛荒，徒鬱紆林岫。
一何察，瘋情匪哀嘆。聊詠昭言寄。

白鹿洞覽名踪

李夢陽

情高忽去，山步建經。經緯亦須，捫崖滑每獨踐。
涉清愛重屢探，阻道始登。涉石，翠遂憇松下歇。

白鹿書院志 卷十

厥後... 華石耳... 追想白鹿跡伊人竟何意

... 蔡... 孟願望日

湖... 峭流光... 日流

釣 淨成

李... 院

颯... 礪瀉... 山石峻下構倚岑削磨楹闕并迭

倚之... 一整仰... 已于外歌浮竟日夕載色

身... 改新... 躬... 天... 務本輕任公釣詎慕庖丁刃

素... 臆... 延... 商... 歎... 芳... 臨... 溪... 悟... 遂... 與... 觀... 逝... 識... 大... 腹

却笑矜名子羨魚亦何者

再至白鹿洞

蘇 祐

廬阜高透迤巖谷通相屬中有五老翁顏色如蒼翠
愛客不知疲邀我洞中宿雙童垂緜髮持書俟西麓
再寒薜蘿裳共寓滄洲目鳴泉弄壑
希聲中宮商冷然傷局促天高湖
思遊太始庭常御雙白鹿

白鹿亭新成

鄭 江 注

窈窕見深谷山門鬱窈窕
板蕪一登眺新亭報成功嗟余始行役
風心寄雕

徘徊詠高調千載同清風

其二

綺帶青雲上煙光動
作戶萬竅生空谷孤禽隱深樹
亭亭百尺臺松聲自朝暮
誰識元化悠悠千古心
端居有良悟

過白鹿洞

廬山本奇絕鹿洞還幽深
岡巒起天逶迤一徑敞亭館
遙清潄飛泉瀉澗涼颺颯然至
一擘披塵襟前賢盛敷

陳洪謨

采萬木排重陰
壑遠爾鳴瑟琴
布典則猶昭森

廟寢更嚴翼英爽如降臨
牙籤橫萬卷上下羅古今
倉皇不能讀感歎違夙心
仰思有至訓朴忠存官箴
餘師或在是陳迹徒追尋

題白鹿洞

愛此匡廬山昨日覩飛瀑
諸風阻陰雨清興看未足
明發戒徒御飛軒訪白鹿
雙旌破重雲至止青山麓
昔人棲隱地奇勝真絕俗
流水窅難窮松風滿空谷
洞戶深且閑明霞帶高竹
策杖臨深澗五老近在目
清風渡溪橋蘭芷芬以馥
披襟坐幽亭山翠紛可掬

當年鹿眠處尙在清溪曲樂哉此山阿無怪輕榮辱
後來豪傑士依雲結青屋至今溪洞間往往餘芳躅
奇探成淹畱還向巖扉宿夜靜山月清心境了如燭
天地一何廣世網一何數人生復如寄何爲久碌碌
行車幸有書歸向山中讀

白鹿洞次陽明韻

憶昔彭蠡舟五老峯頭見今日始登臨振衣隣層巖
五老笑相迎依然舊時面訝我髣滄浪童心猶未變
歲月幾蹉跎浮生如過傳努力須及時肯爲泉石眷

感歎欲躊躇夕春歸路勸寄語洞中人此志當蚤辯

登迴流山

陶尚德

躡蹻攀岩蘿秋風吹我衣魏哉礪口山四顧雲來歸
北向揖五峯南眺彭蠡微世路方險塞舍是將安依

白鹿洞

熊敦朴

南州佳麗地巨廬特孤峭早奮凌厲情披榛度荒嶠
淪蹟固纏綿俯仰恣訕笑及茲幽意愜臨高一以眺
山深風怒號悲鳴齊萬竅洄流激清湍平疇彌野燒
絕壁猿逾哀澄澤龍欲耀深思墨子守尚想任公釣

事物述在哲丹青炳遺廟千古落言銓六家傳指要
香爐寒生煙石鏡堪曉照偶逢白鹿翁冷然發長嘯

初至白鹿洞與諸生

吳國倫

廬山五老峯縹緲在霞脊下有仙人巖含虎吐神液
洞門苔已深白鹿但遺跡仙人渺何之陵谷尚遷易
二三儒者徒靈源匠心闢誅茆構講堂選石布經席
溪紛洙泗流嶺亦抗鳧嶧簪予顛領容臆此適然適
南州士如雲從之叩今昔諸聲登雅歌洋洋振金石

次陽明韻

鄒元標

幾從江上過危峯，坐見清秋披叢茸。始得陟崇巖，
諸賢聚一堂。圖書已誠面，憶昔迷岐路。困衡不善變，
博文并格物。留情經史傳，於今兩窻之。深荷聖衷眷，
古人棄糟粕，用爲來者勸。素琴本無絃，了心何足辯。
白鹿洞偶成

方大鎮

大道本致一，學士幾所見。卑之溺黃泉，高則踰蒼巘。
紛紛尚類問，會不觀其面。變者原非真，真者原非變。
乾竺二尊爲經筵，魯抑爲傳是。如喪家子，飄泊失其眷。
壹志歸正宗，俾彼異學勸。庶幾稱吾徒，不負子輿辯。

又

五老何峻盡盲人乃不見維彼明眼人一望知崇巖
既察性若情亦審背與面心靈自契合山體無轉變
紫陽本六經垂老疏爲博珍重無極翁學脉永相眷
象山義利說風規載相勸先後三儒宗不作異同辯
仲冬六日宿鹿洞有懷示諸子 李應昇

良夜何迢迢松風發深省廓然餘寸心而况幻身影
寒鴉巢白雲高樓謝塵芥機冥色亦忘歛翻旭還暹
至理悟消息達士直云靜

又

峩峩五老峯宵紫朝復碧
野花春芳菲繁霜萎陳迹
空華衆所艷素心各有宅
曳裾何太勞委運詎不適

次陽明韻

峩老雲常擁時見時不見
丰標瘦玉姿又似芙蓉面
遊人多題詠髮鬢作山傳隱

級托雲霞千秋此白石
茲洵口松亭亭自膚澤
優薄青霄志士耻倖獲

翟鳳翥

視釣臺西皓首蹲蒼巖
雪篔經霜不老亦不變
士結茆居情爲泉石眷

五老洞中來招我相酬勸直上紫霄峯低昂再一辯
其二

重尋五老遊不是夢中見長江萬里濤絕壁千尋巖
林壑白雲深誰爲開生面粵惟古道興道化遂一變
溪邊識性情石上留經傳此中樂趣多塵物何繫眷
五規配四箴揭爲學者勸夫道一而已朱陸何分辯

送裴任遠自鹿洞還南川

湯來賀

前日來鹿洞今日歸南浦之子抱宏才雕龍與繡虎
尋勝遍風泉筆歌而墨舞繁花夾道旁何如松栢古

子歸應勉旃竹齋重接武

白鹿洞次廻流山

王士禛

廬山何高高白雪在山腹
倏忽縈山椒亦或帶山足
上下無定姿頃刻屢移矚
山徑不逢人樵歌出深谷
何處遶松聲風泉滿林麓

謁白鹿洞

宋 肇

洞古之國學肇興自南唐
考亭曾主此垂訓何周詳
遙際堯舜世大化九域翔

宸翰與 賜書照燭留山岡
繫余忝乘鉞咫尺恒相望

學規藉文敬

曾頌胡文敬公學規

愧未親敷揚移鎮荷

新命來謁夫子堂諸生肅奔走特達咸圭璋勸勉亦云

切廩餼聊蕩將

謂有洞田

象山講義利令人泣霑裳大哉

子朱子錄取置座旁斯人不可見後學徒徬徨洞壑
蘇花積橋亭松風長欲去仍頓颯願此抽篇章

白鹿編贈毛心齋

汪士鎰

書堂清且幽環流曲而注緬維鹿洞遊寒暑三十度
生徒所栖息良規今昔慕舊學得心培新知啓神悟
步屣繞方塘清陰憇古樹至今寤寐中猶與前哲遇

當代方崇儒斯文此焉聚毛公遺經捧檄臨江渡
廬阜是前岡北原屢回互衣冠與絃誦濟濟有舊賦
况值休明運天語邀眷顧宜風賴賢宰靈境神所
護再見膠庠興重尋舊遊路

前三十餘年曾謁鹿洞
今追憶前遊賦此以贈

白鹿篇贈毛心齋

韓象起

峨峨匡廬峰森森彭蠡水奇秀甲寰區名賢多蒞止
濂溪與考亭治行堪仰企今復來神君循良相繼起
頌茲荒瘠土撫字良有以閒來闕遺編振鐸空谷裏
政教本一源仕學兼而理清貧幸勿厭湖山且徒倚

次韻答白鹿洞生周晨臣並簡學博鄭子克副講

徐履青

查慎行

吾生苦失學悔往思補來一經未精通賦命多遭廻
覩顏扣名區洞戶呀然開登堂挾浮氣靜者必見猜
此來爲求友庶幾遇奇才之子杜門處堦前長蒼苔
昔年充國賓羣彥多追陪脫身出京國振步凌崔嵬
爲儒務其醇好勇知所裁士方處貧賤有識羞良媒
詞章技尤卑小草殊根莖讀書不問道枯朽安足
古來名師儒所以重草萊

追和朱子白鹿洞詩

陸奎勳

鳴鹿走曠野菁莪被中阿洛誦何颯颯初服何娑娑
書院列四大齋心一來過但愜暮春趣毋耽紫霞歌
養禾先薙草培松忌牽蘿秦灰歷浩劫箋疏猶沿訛
濂溪發其端考亭功最多教學該明誠位育根中和
不作天柱砥人海胥揚波研經幸知津皓首敢移他
惠風掃瑤砌清湍滌滌慢坡卓爾見道妙匪徒樂澗藟

白鹿洞書院

周希孟

已辭三峽澗來此五老麓流泉跨紅橋古洞標白鹿

學校重臣盧詩書資誦讀義利晰毫芒千載仰朱陸

山以卓爾名溪以貫道目小子入其門瞻謁加敬肅

紫陽一瓣香留此空山谷憶昔繡衣公

先闈昭公
巡按江西書

院嘗補築今來尚儼然賴茲良守牧

心齋毛
明府

文行相

琢磨生徒沾教育鹿洞有遺規冀其一綫續暮春步

溪濱譬若沂水浴悠然竟忘歸松風聽謾謾

遊白鹿洞

胡慶豫

江城春雨繁鎖院輕寒柳芳草碧盈堦巢燕濡其翼

一
灑雲久不開漲添彭蠡色曉來天氣清春光滿我室

驅車出郊坵綠疇水溢溢高枝露未乾溪口花香密
入山巖壑幽行處鮮薜蘿闕宮旣暈飛梁舍亦鱗列
琬琰燿宸章雲霞粲藏帙丹巖多松風翠崖有鳴鷗
瑯瑯澗石銘相傳紫陽筆鹿洞藏晚巒芳躅殊可擬
想見馴鹿人卓哉誰與匹昔日郡被兵此地獨寧謚
乃知名教功可使妖氛絕陟岡登危樓五老秀可挹
嘉木蔭層陰往來樵與汲樵不厭山深汲不厭泉急
物情何勞勞靜者心自愜向晚山更青歸途興轉遫
夕陽馬首生幽賞猶未竭

鹿洞卽事

毛德琦

課士得餘閒景物恣欣賞有泉澗底鳴有花沿堦長
絃歌夾松濤餘韻幽而爽拂座湧白雲開窓俯青嶂
結伴一登臨直踏孤峰上豁然心目清彌覺天地曠
高風憶紫陽千載同景仰

七言古詩

遊白鹿洞詩

曾棨

昔人愛山住幽谷上山下山騎白鹿一朝振袂入長
安出爲唐家乘鈞軸功成拂衣歸故丘選與白鹿山

中遊朝拂香爐之紫煙
尋飲瀑布之清流滄桑一變
成煙落書堂重構絃歌
作紫陽賦罷三百年從此文
光照巖壑

廬山書屋

袁忠徹

廬山九疊雲錦重靈鍾
秀結摩蒼等先賢愛此昔僑
寓至今白鹿留遺踪
四明山人美如玉重把清風結
茆屋青燈黃卷飽三餘
縹帙牙籤盈萬軸
竹光圍舍
斐几涼硯池
滴露松花香囊螢
有時學車亂
暎雪亦
復追孫康時
時更有登臨趣
彭蠡磯頭
落星渚青牛

或向月中眠白鶴時來洞中舞君臨芹泮初十年讀書讀律志已堅只今半刻多公暇燈火猶知親簡編

遊白鹿洞

羅汝敬

聞昔仙人在空谷身披荷衣騎白鹿穿雲帶月去復還踏破春山幾回綠一從徵詔責丘園白鹿深閉臥白雲諫垣飛章見直節煌煌史傳流清芬倦遊重憶匡南路徑乘白鹿山中去遺書滿架花草深于載流風紫陽賦

白鹿洞別詩生

李夢陽

東南自有匡廬山遂與天地增籬衛山根插入彭蠡
湖崢嶸背殺三江勢地因人勝古有語於乎萬物隨
興廢學館林宮客不棲千巖萬壑堪流涉文采昔賢
今尚存講堂寂寞對松門松門桂華秋月圓拄杖高
尋萬古源梅嶺古色照石鏡扶桑丹霞迎我軒絕頂
坐歌霜月靜石潭洗足芝草繁更有冠者五六人峭
崖窮嶂同攀攀草行有時聞過虎旦暮時復啼清猿
我今胡爲公務牽蹉躑在戶難久延出山車馬走相
送落日遂上鄱陽船生徒綵纒集涯澣孤帆月照仍

留連情深過後亦其禮謏薄竊媿勞諸賢明朝伐鼓
凌浩蕩五峯雙劍生秋煙

余鄒二子遊白鹿書院歌

李夢陽

洞原路水山徑微二子日遊過夜歸巖官古刻徧覽
讀馬時蹉跌泥在衣頃來烈風號季冬雪囊不見五
老峯苦心數子守寂寞我病講堂虛鼓鐘二子此行
真特奇異時獨在今可知虎吟狐啼且不思肯使楊
朱泣路岐

高美亭望五老峯

孫慎

昔聞廬嶽有美兮，青天五元列芙蓉。下臨左蠡之洪濤，上逼南極之斗柄。天開闔闔相撞衝，銀河倒瀉三千仞。九疊雲屏張鉅重，今我初臨一眺望。峩然竒哉壯觀東南策，一峯積翠浮嵐共。杳靄須臾萬變無停踪，日看鳥飛入雲沒。耳聆萬壑風聲松，試欲躡乎其巔兮。懸崖峭壁蒼蒼無盡兮，何由階梯以攀從。形神幾超越，結念徒顛庸。嫋嫋春風空對帳，潺潺曲澗亂洄淙。佳期不可遂，此心良弗慵。安得長房龍竹杖，飛身直上白雲封。手撥青天開親挹，五老丰聃攜樽酒。

皇朝詩林卷之二
一相問混沌既鑿開
羲農泰山有老顏
云久遺脉常存
萬古宗鴻濛之先
有五老風雲世變
羅襟育元珠
何失又何得
還期一笑豁蒙春
大素有懷不竟默
便將結廬於五老之旁
今日夕樞趨以從容

題白鹿洞

沈九疇

昨日暴人橫當路
可惜吾道同坑焚
幾冷四海歌誦
絕賴有千載風聲
存五峯作錐
判今古重湖如壁浮
乾坤賢聖雖已久
寂寞要在後死時
討論我來仲冬
風日好竹樹森森
山徑窅空堂
向夕松子香
盤石鱗

溪水紛
歷攬遺踪皆企予寤寐名山欲投老况爾
諸生牛
奮斯前人一一皆吾師生乎大節名有托章
句少
有足期

遊白鹿洞歌

紫霞真人

何年白鹿洞正傍五老峯五老去天不盈尺俯窺人
世煙雲重我欲攬秀色一一青芙蓉舉手石扇開半
掩綠鬢
玉女如相逢風雷隱隱萬壑瀉憑崖倚樹聞
清鐘洞門之外百丈松千株盡化爲蒼龍駕蒼龍騎
白鹿泉堪飲芝可服何人肯入空山宿空山空山卽

我屋一卷黃庭石上讀

重遊白鹿洞歌

孫應鰲

白雲初開瀑布飛逸客復來登翠微山影照耀轉日
暉忽忽滿空煙雨霏穿林度崖苔藓腓野花襲人香
氣馥洞口波長沒釣磯石脉泉流衝荆扉愛景步步
忘曲綺隨到杯酒相與揮忘氣瀟灑偕音徽盤桓送
目未云幾羣峯散紫暑色烝不覺明月乍沾衣濯出
混沌流光輝移陰燿彩星宿稀嘯歌逍遙言旋歸心
慮澹然理無礙世事清泚何是非回首陳迹莫歌歎

古來曾點得所依不見舞雩與浴沂六極放懷且吟
機松風悠揚露漸晞

鹿眠亭望五老峯呈袁使君

李應昇

鹿眠亭上招五老縹緲輕雲不可掃雲行誰爲洗眉
痕如黛如藍復如縞日照明霞天半飛瑪瑙屏中映
紫薇是耶非耶瞬已變山靈呼吸開生面五老千秋
眼自應生面年年人不見願將白鹿嶺頭眠分我眉
端雲一片

和李仲達望五老峯

袁懋貞

噫嘻五老緣何老綠髮蒼顏
如掃力借輕煙入澗
青影落明湖森玉縞千山
一一鳳凰飛獨爾凌虛謁
紫微紅馱扶來九節杖霞
文剪就六銖衣黛光錦纈
隨時變亭亭灼灼芙蓉面
問爾丹成幾駐顏微茫混
沌何人見欲答不答兩無
言蕭蕭墮月殘風片

白鹿歌爲李應昇賦

但宗臯

香雲繡靄出香谷白鹿如銀走山腹
手戴騎鹿唯李公更有李公騎白鹿
江陰李公是吾師每逢名山便
欲呼控平况在雙星上張錦之亭
乃不孤寒泉怪石

萬松古五老迢迢欣接武半榻金輪石鏡前一時遠
近推盟主瑤草摘盡講堂鐘頑石聽之爭起舞如魚
如鳥豁空明胷中雲夢任吞吐既鏤文心敵豐碑餘
前斷簡皆疑腐受衣受法總如鱗雲章錯落圖書
遙想當年白鹿堂李公終日坐雲房當年究竟爲
第何如今日盡琳瑯要之前無朱紫陽二李聯鑣
最良紫陽旣生二李後誰似吾師獨頽頽前李後
較殊轍後李昂昂恣掀揭丹崖翠嶽自天開文殊
味渾如雪四海龍門李先生吾將飯依尋大歇

過白鹿洞

彭夢祖

蒙茸草間洞，突兀泉上峯。谷口無人水，聲急懸崖有。
崖竹影重漫，將玉綠杖倒挂金芙蓉。片片明霞袂間
落，兩兩幽猿石畔逢。御風冷然發，長嘯天門半開闔。
清鐘廬山山頭多，青松枝枝怒撐如虬龍。傍青松騎
白鹿，露爲漿，蘿爲服。五老翩翩招我宿，旋掃蒼雲架
茆屋。乞得丹經夜半讀。

白鹿洞歌

倫品卓

廬山秀結五老峰，懸天絕壁擎蒼龍。一峯南下如頓

巒巒起青嶂爲屏風後屏之山衆山繞羅青掩翠於
中好白鹿仙人選勝遊山陽結洞千秋老南唐國學
宋書院至今名勝通郡曉憶自當年粉太平雖陽石
鼓齊其名談經講學一時盛聚士不下千百人濂溪
道州來作守二程先後相師友繼守新安朱紫陽理
學宗工炳星斗後先闡教代有人孔孟薪傳藉不朽
屈指興亾幾百年此間形勝只依然左山前山交掩
護一水中流聖澤源危崖飛湍橋跨澗枕流臺上如
砥平遙瞻五老出雲際坐次拱揖爲賓主獨對亭前

一浩歌蕭然萬物齊終始嘆息藏書賓客賢牙籤
軸無人傳几櫛椳桷煙雨敗聖賢堂構風霜遷我
五馬到匡郡時值干戈四郊震時清挾策亦登臨
垣敗棟狼狐逞愴爾几筵俎豆情高明塏爽更何
傾囊不惜理土木煥乎軒敞各有名今來憑睡意
爽枕流滂石供歡賞江湖遠吏媿盛朝願結衡廬
鹿往

白鹿洞歌

汪楫

枕流橋上青草生白鹿洞裏無人行老松大竹互

拄鹿蹄豕跡相縱橫憶昔紫陽排衆議延和殿上初
陳情造士豈爲山谷計昧歿力與天王爭苦求御額
兼賜書庶幾流俗無敢輕聖賢舉事惡夸大網羅下
土須先聲後來修葺多賢豪紛紛石碣題姓名民生
日蹙地苦僻歲一不治將頽傾若使此地祀佛老日
新何止數十楹空堦日暮細蟲語屋梁蕭蕭奔颺颺
遊人搔首自來去勝地徒深今古情

五言排律詩

重過江州題別遺愛草堂兼呈李十使君李亦廬

山人常隱白鹿洞

白居易

曾住廬峯下書堂對藥臺
新蘿徑合依舊竹窗開
砌水親曾決池荷手自栽
五旬方斃至一宿又須迴
縱未長歸得猶勝不到來
君家白鹿洞聞道亦生苔

五言律詩

和張彥輔白鹿洞之作

朱子

邃谷新華館風煙再吐吞
舊眠聞野鹿遺恨嚮驚猿
共賞欣同趣分携愴別魂
徘徊空日夕無策駐行軒

遊白鹿洞三首

胡儼

騎從金笳發肩輿畫戟開路穿芳草徑山倚白雲隈
秋色淨如洗晴嵐翠作堆昔賢遺教地尋訪洞中來

其二

路入匡山裏遙遙五老峯綠崖披綠草涉澗轉蒼松
野果堪時落嵐烟積處濃平生林壑興今日得從容

其三

訪古來精舍縈迴石洞幽何人今養鹿有客昔騎牛
雲谷千年境風泉萬壑秋剪茆薦芳醕勝友喜同遊

次胡祭酒

余 鼎

峯頭雲乍歛宛若畫圖開躡磴巖松杪捫蘿石澗隈
橋連青竹塢路遠白雲堆仰止懷先烈傳芳媿後來

其二

五老摩霄漢斜連獅子峯寒藤垂絕壁飛狖掛長松
徃哲遺踪舊羣公逸興濃停車觴詠處末席肯相容

和胡祭酒韵

陳銓

我來春已半雨霽霽晴峯五老露青谷羣山招赤松
山花紅錦重岩草翠陰濃景仰先賢教低頭肅拜容

初詣洞學

蔡宗充

匡廬山載會又復值吾生雲海經旬雨松門今日晴
谷虛如有納山靜本無爭想見藤陰路前賢接武行

遊白鹿洞

徐 璣

野徑崎嶇轉叢筠入院清臨山看樹色隔澗聞泉聲
洞古苔生綠堂空月映明先賢傳道地仰止不勝情

白鹿洞紀行六首

張時徹

山迴盤石谷徑得豁雲門靜楊飛花細靈芝浴露繁
宮墻今見聖流亦自通源六籍虛塵壁青衿此共論
平臺開絕壁西望五峯高暎樹棲山燕青苔繡石

皋魚遊吹淺浪龍臥起驚濤莫學任公子垂綸釣巨
鰲浮橋通翠嶺疏牖夾青松砥柱危還峙迴流曲
自宗日穿羅漢嶺雲出丈人峯學士經行地空餘鹿
豕踪 諧亭已愜意更有最高亭密樹斜圍屋繁花
間作屏巖深朝暾日簷靜夜垂星騎鹿何年客餐霞
養性靈 雲壑幽姿結層霄石磴懸匡廬紅挂日彭
蠡綠浮煙懶有吟歌地深懷禮樂傳大觀誰共解寂
寞媿先賢 薄葦上高丘迢迢望九州江含千嶂碧
壑映五雲流紫蒸生煙霧青蘿挂斗牛因懷高士跡

辰海亭

登六合亭

王沂

山齋何處尋，迢迢萬峯陰。
茂樹迎寺，幽泉鳴素琴。
落日一亭迥，暮雲孤徑深。
同游羨吟佩，於此濯塵心。

廻流山亭

李夢陽

亭高山盡入，回首見鄱陽。
天地開吳楚，鼓歌有宋唐。
峯雲低棟白，湖日倒碑黃。
六月吾來此，涼風不可當。

再至白鹿洞

李夢陽

昔別秋色苦，今避風澗清。
穿石竹，猶活雨過泉自生。

禮殿古門換釣室新路平獨來誰與見雲日此峯晴

白鹿洞

鄭廷鶴

石洞藹晴暉高堂碧翠微松蘿常向榻花蘚細沾衣
不厭談經久深慚訪舊稀長歌動林麓山鳥傍人飛

獨對亭

鄭廷鶴

彩亭遙積翠清景向人開竒石堦前出飛泉樹杪來
劇談挹五老高調咏孤臺獨坐山橋晚春風到草萊

釣臺亭

鄭廷鶴

淺澗漾清波晨光侵綺羅石鳴魚自躍山靜鳥還過

其一

其二

美真趣竟如何

鄭廷鶴

飛步廻流頂青慈微上空煙花亭柳外海樹酒卮中
徙倚羣芳異瞻廻四望同悠然心賞處天路更何窮

釣臺亭

劉世揚

古翠開晴壁新聲傍漱泉到亭魚乍躍移席鹿猶眠
把酒江湖上觀春天地先薜蘿春自好拂石迓高賢

郎亭

王濂

古洞今誰在春郊此並行遙看青嶂外忽有白雲生

路阻懸崖暗溪迴漱石澗向來拘簿領何日遂閒情

登思賢堂

李淳

此日憑高處天風吹我襟鶴盤松露重鹿隱洞雲深
氣象開前代鼓歌續舊音舉頭看五老幽意欲投簪

宿白鹿洞三首

吳國倫

斜日照巖扉携壺坐釣磯水銜千石漱雲挾衆山飛
豈復悲漂泊翻能識是非斐然二三子從汝詠而歸
古壁凌空削寒雲匝地生亭延五老色杯倒萬松
聲白鹿不知處青山空復情余將掩關臥羣象未復

驚 躡屐非無與其如落日何
山私傲吏世路避
狂歌竹色杯中滿
泉聲枕上多
巖崖萬餘仞
曙起更堪磨

和吳國倫宿洞三首

倫品卓

白鹿護山扉
遊魚隱釣磯
雲攜千嶂宿
樹擁百泉飛
聖澤成今古
仙踪忘是非
登臨意無限
未肯賦遊歸
五老乘風下
蕭然白髮生
入亭猶月色
當戶已松聲
空翠人間世
明霞物外情
往來幽興熟
眠鹿不須驚
遊屐不知倦
旋車可柰何
野花當徑舞
山鳥向

人歌不覺塵襟易應嫌世慮多白雲回首處千古意
難磨

白鹿洞

朱卷

巖壑千年秀圖書屢代看昔賢傳誦法吾道未艱難
古殿雲煙護空堦竹影寒枕流對三峽猶自憶清歡
白鹿篇贈毛德琦
蔡升元

地擅匡廬勝官隣彭澤居山農欣買犢庭吏識懸魚
甘樹多新蔭清暉接太虛
清暉接太虛觀皆邑中舊蹟也
政成尋白

鹿好爲訪遺書

前題

陳鵬年

君今星渚去最勝號雷封白鹿先賢地青天五老峰
藏書尋絕學醉石訪高蹤挂席嘗南斗他時擬過從

又

百粵彈琴邑循良舊著聲如何飛鳥去仍作豫章行
黔首依廉靜彤廷重老成追鋒期不遠前席問蒼生

又

晚交仍惜別古道得相於共有千秋意何煩一紙書
此邦爲樂土知命卽安居買棹秋風裏湘江有敝廬

前題

詹嗣祿

過化先賢地絃歌重豫章官亭稱滙澤南障接衡陽
問菊憐寒色尋蓮憶古香民心歸名杜君是舊循良

前題

柴謙

縣門全對水城郭半依山未了君才壯先看吏事閒
野田通玉峽明月照星灣莫道周朱後高踪不可攀

前題

舒大成

匡廬山下吏一棹入江鄉好去馴白鹿因之問紫陽
藏書應有壁備德合留棠莫謂一泓流遠君能炷瓣香

登廬山白鹿洞謁朱子廟

會稽商盤

作吏匡廬下春遊鎮日閒先賢還俎豆勝概况溪山野鳥呼人住幽花點席斑南唐與南宋遺蹟有無閒

又

莫惜仙踪杳須知聖澤長移風無禮樂報國但文章得路峰千疊尋源水一方會心真不遠松月晚蒼

蒼

前題

上虞徐有常

古洞鬱蒼蒼春風舊講堂披經研露冷流翰染溪香

地迥美牆近山深歲月長昔賢遺澤在道氣滿松篁

又

路自諸峯轉林從一澗分坐疑來急雨行恐墮飛雲
詩意此中得書般若處聞歌髯看五老獨立向斜曛

前題

山陰吳修齡

隨春到鹿洞縱目遠微茫路入千盤細溪迴一綫長
鶯花真道學山水亦文章何處讀書罷空齋殘夕陽

又

綠崖謁遺廟彷彿面美牆楚殿衣冠古春風俎豆香

水聲通竹路雲氣滿松堂一徑斷碑碣唯餘躑躅芳

前題

會稽吳燭文

昔賢敦學地古洞闕淳風草野尊師道規模儼類宮
水流春樹淨雲散講堂空遙想註書日落花溪面紅

又

南渡儒林傳先生第一人空山尚祠宇大道豈荆榛
紅鶴有時去青松終古春匡廬初識面唯覺此間真